

01-50-1

11-06-2010



BOSNA I HERCEGOVINA
VIJEĆE MINISTARA
Generalno tajništvo

BOSNA I HERCEGOVINA
PARLAMENTARNA SKUPŠTINA BOSNE I HERCEGOVINE
SARAJEVO

Broj: 05-50-1-1240/10
Sarajevo, 11.6.2010. godine

PRIMLJENO: 11.6.2010.			
Organizaciona jedinica	Klasifikaciona oznaka	Redni broj	Broj priloga
01-50-1		15-75	10

PARLAMENTARNA SKUPŠTINA BIH

- Zastupnički dom -


SARAJEVO

PREDMET: Odgovor na zastupničko pitanje – dostavlja se

Vijeće ministara Bosne i Hercegovine, na 124. sjednici održanoj 10.6.2010. godine, utvrdilo je Odgovor na zastupničko pitanje koje je postavio gosp. Adem Huskić, zastupnik u Zastupničkom domu Parlamentarne skupštine Bosne i Hercegovine.

U privitku dostavljamo Odgovor uz molbu da isti uručite zastupniku.

S poštovanjem,



GENERALNI TAJNIK
Zvonimir Kutleša



BOSNA I HERCEGOVINA VIJEĆE MINISTARA

Adem Huskić, poslanik u Predstavničkom domu Parlamentarne skupštine Bosne i Hercegovine, na 75. sjednici Predstavničkog doma održanoj 07.04.2010. godine, postavio je sljedeće poslaničko pitanje:

"Ko je imenovao i na osnovu kojih propisa Upravni odbor i menadžment Javnog preduzeća "Službeni list Bosne i Hercegovine"?"

Na postavljeno pitanje Vijeće ministara Bosne i Hercegovine je na 124. sjednici održanoj 10.6.2010. godine, utvrdilo sljedeći

ODGOVOR

Zakonom o Novinsko izdavačkoj organizaciji Službeni list Republike Bosne i Hercegovine ("Službeni list RBiH", broj 2/96) utvrđeno je da novinsko izdavačka organizacija Službeni list Republike Bosne i Hercegovine nastavlja rad kao javno preduzeće "Novinsko izdavačka organizacija Službeni list Republike Bosne i Hercegovine.

Članom 8. Zakona o Novinsko izdavačkoj organizaciji Službeni list Republike Bosne i Hercegovine propisano je sljedeće:

"NIO-om Službeni list upravlja Upravni odbor.

Upravni odbor sastoji se od predsjednika i četiri člana.

Predsjednika i članove Upravnog odbora imenuje i razrješava Vlada, i to tri člana iz reda republičkih organa i dva člana iz reda radnika NIO Službeni list."

Zakonom o Novinsko izdavačkoj organizaciji Službeni list Republike Bosne i Hercegovine nije propisano trajanje mandata predsjednika i članova Upravnog odbora.

Na osnovu člana 8. stav 3. Zakona o Novinsko izdavačkoj organizaciji Službeni list Republike Bosne i Hercegovine, Vlada Republike Bosne i Hercegovine je 19.04.1996. godine imenovala Upravni odbor.

Vlada Federacije Bosne i Hercegovine je do 2002. godine razrješavala i imenovala članove Upravnog odbora.

Vijeće ministara Bosne i Hercegovine je 27.05.2004. godine donijelo Odluku o privremenom preuzimanju prava osnivača nad Javnim preduzećem Novinsko izdavačka organizacija "Službeni list Bosne i Hercegovine" ("Službeni glasnik BiH", broj 26/04).

Na osnovu navedene Odluke izvršene su izmjene i dopune Statuta JP NIO Službeni list Bosne i Hercegovine, na koje je Vijeće ministara Bosne i Hercegovine dalo saglasnost ("Službeni glasnik BiH", broj 35/04).

Vijeće ministara Bosne i Hercegovine je dana 28.04.2004. godine izvršilo popunu upražnjenog mjesta u Upravnom odboru, tako što je na mjesto predsjednika Upravnog odbora imenovan predstavnik institucija Bosne i Hercegovine.

Pitanja koja se odnose na imenovanje menadžmenta, odnosno direktora JP NIO Službeni list Bosne i Hercegovine regulisano je članom 10. Zakona o Novinsko izdavačkoj organizaciji Službeni list Republike Bosne i Hercegovine, kao i članovima od 20. do 27. Statuta JP NIO Službeni list Bosne i Hercegovine. Direktora imenuje i razrješava Upravni odbor, na osnovu javnog konkursa uz saglasnost Vijeća ministara Bosne i Hercegovine, čiji je mandata četiri godine i može biti ponovo imenovan.

Vijeće ministara Bosne i Hercegovine je na Odluku o imenovanju direktora JP NIO Službeni list Bosne i Hercegovine dalo saglasnost, a predhodni konkurs za imenovanje direktora raspisan je i sproveden u skladu sa Zakonom.